

續修四庫全書



《續修四庫全書》編纂委員會編

# 續修四庫全書

上海古籍出版社

一二五二・子部・類書類

倉史一百卷拾遺一卷（卷四十五至卷一百）〔清〕王初桐輯……………一

事物異名錄四十卷（卷一至卷十八）〔清〕厲 荃輯〔清〕關 槐增輯……………四五九

21/63/02

查

史

二

〔清〕

王初桐  
輯

據清嘉慶二年伊江阿刻  
本影印原書版框高一  
四七毫米寬二五四毫米

查史卷四十五

東吳王初桐于陽篡述

北平劉翰周東屏校刊

文墨門三

文

明帝楊后有顛狂病惟內傳孟姬爲文后每讀之顛

狂輒醒時人語曰孟文差顛狂司馬彪續漢書

西王母以瓊笈妙蘊發紫臺之文貽帝漢武內傳

孫瓊者晉鈕滔母也善詩文有文集行世王臺文苑

高祖實后工於篇章規誠文有雅體唐書

查史卷四十五

一

薛濤文妖也李肇國史補

蜀多文婦亦風土所致清異錄

殷保誨始舉進士時文章皆內子封夫人爲之動合

規式中外皆知野航史語

李清照母王狀元拱辰女亦工文章宋詩紀事

蔡卞妻王安石女也有文集池北偶談

寧后楊氏后妹楊娃以藝文拱奉內庭弁州四部案

劉夫人字希建炎間主內翰文字清河書畫舫

胡淑脩宿之女嫁李之儀讀書屬文宋嘉祐中從

其祖母至內庭光獻皇后捐之曰是胡氏有學能文

之女乎閩閩類編

許景樊字蘭雪舒筠之妹八歲作廣寒殿玉樓上梁

文才出二兄之右高麗書簡結

張瓊如字赤玉善詩賦及古文名媛詩歸

桐城張令儀字柔嘉文端長女工古文臺應集序

婦人美色能文翰謂之人妖袖中錦

朱鳥逸史備記閨秀之能文者十笏草堂集

班昭子慤爲陳留長昭隨至官作東征賦曹大家集

馬倫妹芝亦有才義少喪親長而追感作申情賦後漢書

查史卷四十五

二

左芬有離思賦孔雀賦松栢賦古今文致

天官侍郎宋廷瑜左遷於外妻魏氏隨之任中路作

南征賦詞甚典美魏氏心念張相說少時爲其父所

重乃作書與說叙亡父疇昔之雅爲廷瑜申理兼錄

南征賦寄說說嘆曰曹大家東征流也女世說

梅妃在上陽東宮以千金壽高力士求詞人擬司馬

相如爲長門賦欲邀上意力士方奉太真且畏其勢

報曰無人解賦乃自作樓東賦梅妃傳

牛應貞有題題問影賦牛應貞傳

何宣城婦有遊仙賦杜氏編珠

張學雅字古什母夢道人語曰上帝散花玉女誤碎御瓶今謫汝家瘡而生女聰慧過人嗜讀書能屬文作月賦甚工一日其母又夢前道人來曰玉女謫限滿矣果於是日端坐而逝編餘草繼總女禪師序

周怡父遇閻難狗節炤哀之作悼懷賦讀者如聽三閻大夫姊娚吟也周寶錫傳

黃媛介小賦頗有魏晉風致池北偶談

徐賢妃名惠湖州人八歲曉屬文父孝德嘗試使擬離騷爲小山篇曰仰幽巖而流盼撫桂枝以凝想將千齡兮此遇荃何爲兮獨往孝德大驚太宗知之召

卷四十五

三

爲才人遷充容永徽元年卒贈賢妃唐詩紀事

郭嬪名愛字善理自知死期製楚騷以自哀鳳陽志

文在中女嫁葛氏早寡守節作九騷以見志九騷者

一曰感往昔二曰懷湘江三曰望洽陽四曰矢栢舟

五曰離離幃六曰傷落花七曰臨雲嘆八曰待月愁

九曰撫玉鏡藝志是詩語

漢和帝葬後宮人並歸國鄧太后賜周馥貴人策曰朕與貴人共歡等列十有餘年先帝早棄天下孤心孰與靡所瞻仰令當以舊典分歸後園慘結增嘆燕燕之詩曷能喻焉女世說

燕之詩曷能喻焉女世說

劉聰皇后劉氏以左貴嬪立爲皇后聰將起鸚鵡殿廷尉陳元達諫聰怒將斬之后手疏啟曰伏聞勅旨特爲妾營殿今四海未一禍難尤繁廷尉之言社稷之計當賞以美爵而反欲誅之陛下此怒由妾而起

廷尉之禍由妾而招自古國敗家喪未始不由婦人妾每覽古事忿之不忘何意今日妾自爲之後人觀妾猶妾之視前人復何面目仰侍巾櫛請歸死北堂

以塞陛下誤惑之過聰覽之色變曰元達忠臣以劉后疏示之前趙錄

徐惠妃以太宗勤兵又營繕相繼上疏諫曰珍玩伎

卷四十六

四

巧乃喪國之斧斤珠玉錦繡寔迷心之酖毒作法於儉猶恐其奢作法於奢何以制後女世說

遼道宗好獵蕭后上疏曰頃見駕幸秋山單騎從禽深入不測倘有絕羣之獸果如司馬所言則溝中之

豕必敗管子之駕矣願遵老氏馳騁之戒用漢文吉行之旨遠史拾遺

宋徽宗鄭后好覽書奏疏文皆能自製女世說補

丁季淵婦張夫人作討李賊檄顧若璞以爲孔璋讓

其英蕤實王失其峻烈今世說婦人集注夫人名

班昭博學高才漢帝數召入宮每有貢獻異物詔作

班昭博學高才漢帝數召入宮每有貢獻異物詔作

賦頌 薛瑩後漢書

左芬善屬文晉武帝重其辭藻方物異寶必詔芬爲

賦頌屢獲恩賜焉 事文類聚

咸寧二年納悼后左芬受詔作頌 晉書

左芬有芍藥花頌鬱金頌菊花頌 左貴媛集

傳統妻工屬文遇諸花木輒爲之頌 天和殿御覽

劉琰妻陳氏聰敏能屬文嘗正旦獻椒花頌 晉書

謝道韞論語贊曰衛靈公問陳於孔子孔子對曰俎

豆之事則嘗聞之軍旅之事未之學也庶則大矣比

德中庸斯言之善莫不歸宗寵者垂本妙極令中嗟

舊唐書卷四十五

五

我懷柔與言攸同 彤管遺編

左芬有楊皇后登祚贊 左貴媛集

元微之聞薛濤名因奉使見焉微之矜持筆視濤作

四友贊畧曰磨潤色先生之腹濡藏鋒都尉之頭引

書煤而黠黯入文園而休休微之驚服 然蔡餘筆

方孟式字如耀張舍之妻也與孫氏婦鄭翁氏婦吳

以篇詠相往復如耀刻紉蘭閣集兩婦作序其文縱

橫辨博殊爲閨房吐氣吳名慧鏡 淑秀集

錢涓字裴文著抱雪吟自爲序 抱雪吟

沈瓊蓮善屬文宋孝宗嘗試守宮論沈發端云甚矣

秦之無道也宮豈必守哉上悅擢爲第一 西吳枝乘

唐太宗崩徐賢妃哀慕發疾爲連珠以見志 唐類函

柳下季死妻自作誄門人不能增損一字 澄懷錄

柳下惠死門人將誄之妻曰將述夫子德耶二三子

不若妾之知之乃爲誄曰夫子之信誠與人無害兮

嗚呼哀哉魂神泄兮夫子之謚宜爲惠兮 列女傳

司馬相如死文君爲誄傳於世 女俠傳

萬年公主薨帝悼痛不已詔芬爲誄其文甚麗 晉書

左芬有武元皇后誄 左貴媛集

張愈有高操妻蒲氏名芝賢而文愈卒妻爲之誄其

舊唐書卷四十五

六

佳句云脫簪散髮眠雲聽泉有峰千仞有溪數曲又

云嶺月破雲秋霖洒竹情意何窮真心自得數語足

寫高人逸致 女世說補

陸卿子爲祖母下太夫人作誄典雅可誦 列朝詩集

陳後主薨沈后自爲哀詞文甚酸楚 太平御覽

徐悱卒妻劉令嫺爲祭夫文詞甚悽愴時悱父勉欲

爲哀章見令嫺文遂閣筆 四六法海

李易安祭趙湖州文婦人四六之工者 四六談塵

楊希閔死妻汪氏自撰祭文辭甚悲 晉江志

曹邦傑卒妻張氏作文告祭而自經於楸側 易易錄



熙寧末洛中有人耕獲石碣乃婦人撰夫誌銘君姓曹名禔字禮夫世爲洛陽人三十歲兩舉不第卒於長安道中朝廷卿大夫鄉閭故老聞之莫不哀其孝友睦婣篤行能文何其天之如是耶惟兒聞之獨不然乃慰其母曰家有南畝足以養其親室有遺文足以教其子凡累乎陰陽之間者生死數不可逃夫何悲喜之有哉丙子年三月十八日卒以其年十月十五日葬於鳳凰山之原余姓周氏君妻也歸君室八載矣生子一人尚幼以其恩義之不可忘故作銘焉銘曰其生也天其死也天苟達此理哀哉何言其生

卷五

七

也浮其死也休終何爲哉慰母之憂 夢花洲閒錄

班婕妤報諸姪書云屬見元帝所賜婕妤書類多華辭至如成帝則推誠謝實若家人夫婦相予書矣故略陳其長短令汝曹自評之 婦女集

司馬相如悅茂陵女子欲聘爲妾文君與相如書曰春華競秀五色凌素琴尚在御而新聲代故錦水有駕漢宮有木彼物而親嗟世之人兮督於淫而不悟再與書曰朱絃斷明鏡缺朝露晞芳顏歇白頭吟傷離別努力加餐無念妾錦水湯湯與君長訣相如乃止 女世說

趙飛燕爲皇后其女弟在昭陽殿趙飛燕書曰今日嘉辰貴姊懋膺洪冊謹上綈三十五條以陳踴躍之志 西京雜記

寶元妻別夫書云棄妻斥女敬白寶生卑賤鄙陋不如貴人妾日以遠彼日以親何所控訴仰呼蒼昊孰白冤東走西顧衣不厭新人不厭故悲不可忍怨不可去彼獨何人而居斯處雖尺牘語而韻叶宛然寶四言古體也 少室山房詩藪

秦嘉爲郡掾其妻徐淑作書以遺之云聞嚴裝已辦發適在即誰謂宋遠企予望之室邇人遐我勞如何

卷五

八

長路悠悠而君是踐冰霜慘裂而君是履身非形影何得動而輒俱體非比目何得同而不離惟有割今者之恨以待將來之歡耳 藝文類聚

衛夫人與支法師書衛隨世所學規模鍾繇有一弟子王逸少甚能學衛真書筆勢洞精字體道媚 女世說

晉徐藻妻陳氏有與妹書 謝靈運集

阮氏與允書陳允禍患所起辭甚酸愴 婦人集

安鬱嬪授楊羲書雲林夫人授許長史書 武庫琅函

鈕滔母孫氏境有與從弟孝徵書 魏天志

長安名伎劉國容與郭昭述相愛後昭述與國容別

國容使女僕賁短書曰歡寢方濃恨雞聲之斷愛恩  
憐未洽嘆馬足以無情使我勞心因君減食再期後  
會以結齊眉 開元天寶遺事

開元中有士人從洛陽道見一女子容服鮮麗泣謂  
曰已非人昆明池神之女嫁劍閣神之子夫婦不和  
無由得白父母故欲送書一封耳士人問其處女曰  
池西有斜柳樹君可叩之若呼阿青當有人從水中  
出士人入京便送書池上果有此樹叩之頻喚阿青  
俄見幼婢從水中出得書甚喜曰久不得小娘子消  
息延士人入謂曰君後日可斃至此如期果有女子

舊唐書

九

從水中出授士人真珠一箇 補件兒小名錄

楊貴妃晝寢覺見白鳳銜書自空而下受其書白鳳  
即飛去貴妃披讀之其略曰勅謫仙子楊氏爾居玉  
闕之時常多做慢謫塵寰之後轉有矜嬌罪更愈深  
法不可貸宜令死於人世貴妃極惡之令宮閨間切  
秘此事其書藏玉匣中三日後失之 潘湘錄  
崔氏驚爲貽張生書楊巨源見之賦崔娘篇云風流  
才子多春思腸斷蕭娘一剗書 唐詩紀事

烈女竇桂娘爲蠟白書與陳先可妻以朱染帛九如  
含桃 樊川集

李季蘭結素魚貽友人云尺素如殘雪結爲雙鯉魚  
欲知心裏事看取腹中書 全唐詩話

魚元機以情書與李公子妾 唐詩英華

步非烟者武公業愛妾其比隣趙象窺見心蕩題絕  
句祈門媼達非煙煙曰我亦曾窺見趙郎大好才貌  
於是闔戶垂幌爲書以達於象象喜不自持一日功  
曹直府象乃踰垣見煙俱以喜極不能言遂盡縋縊  
之意 步非煙傳

李國主歸附後與金陵舊宮人書云此中日夕只以  
眼淚洗面 吟嘯集

舊唐書

十

長夏方喬讀書於種梅館懷思紫竹紫竹忽遺以書  
其大略云欲結朱繩應須素節泣珠成淚水比蛟人  
流火爲期卿同織女春風驚帳裏不妨雁語驚寒寐  
兩雀屏中一任雜聲唱曉 柳塘記

試爲以朝鮮原兩紙作鯉魚兩面俱畫鱗甲腹下  
合可藏書以遺逕寄有詩云花箋製葉寄郎邊江上  
尋魚爲妾傳郎處斜楊三五樹路中與近釣魚船此  
貞觀中事也 元散堂詩話

姚月華得楊達書有書語者伏讀數十遍燒灰入醇  
酌飲之謂之款中散 柳塘記

丁渥在太學夢歸家見妻於燈下爲書寄生生曰我已至矣何用書爲妻但揮淚而不答又於別幅見詩一首云淚濕香羅帕臨風不肯乾欲憑西去雁寄與薄情看後句日得書并詩皆夢中所見

雲齊廣錄

崔球爲太學生苦學不歸一日晝夢到家見其妻正寫字呼之不應與之言不答眠其所書乃詩也曰數日相望極須知意思迷夢魂不怕險飛過大江西既覺歷歷記之數日書至其妻寄此詩一字不差驗其寫詩日乃球得夢口也

古今詩話 崔球友議所載 畧同而失崔球姓名

趙長卿買一妾教之寫字讀書命名文卿元約三年

征異四五

十一

文卿不忍捨去厥母堅索之後失於一農夫常常寄聲或片紙數字問訊

惜香樂府

郭暉寄妻問誤封白紙去妻得之寄一絕云碧紗牕下啟緘封尺素從頭徹尾空應是仙郎懷別恨憶人長在不言中

巖下放言 女世說吳仁叔業太學與妻韓氏札啟視止白幅遂題云云

嘗見燕山軍民妻寄夫書一紙別無他語止詩一篇云垂楊傳語山丹你到江南艱難你那裏討箇南樓

我這裏嫁箇契丹

拊掌錄

管夫人與中峰和尚書稱弟子管道昇 鐵網珊瑚

謝美人製魚書一時傳誦

文苑真珠

江南女優趙天錫遊粵西見嬖士酋疏夫而襲其官曾與舊知書媚婉纖弱全是黛奩本色

萬歷野獲

寧國公主下嫁梅殷及燕王即位殷尙擁兵淮上帝迫公主齧血爲書投殷殷得書還京

梅花渡輿林

濱州女子與書生約爲婚姻父母欲別內壻女以帛書屬魚書生烹魚得書遂往諧約

漁洋山人集

張太室渡河買得大鯨魚剖其腹得紅錦袋一枚中藏真珠一琲金約指四玉條脫一牛黃九子一紅甲

二片香藥一裏又私書一紙詞甚悽惋似是婦人欲寄所私不遂投河死而入魚腹也

池北偶談

寄兒者主

三

女郎徐元象字奇孺黃州人張楚偉配詩文有爵才其京口寄父書云兒自襁褓未離掌膝江頭道別意緒淒然舟行風水便利遂達京口江南佳麗過眼成陳廣谷大州靡能記憶舅氏出鮑明遠大雷岸與妹書與兒讀之如賦如頌蓬牕瑣瑣恨不能竟所思官舍清華几案如滌挑燈夜坐日起奉甘旨晨昏懇切切耳阿爺阿母無恙四時之序成功者退山林觴詠幽情暢遂何必紆拖青紫乃稱貴乎

居易錄

吳妓詹愛雲寄所歡書全用曲牌名

剪燈新話

燕山軍民有族嬖陳氏因諸子宦遊未歸令族姪大

琮代作書寄其子因口授云孩兒要耍劣奴子又聞  
聞霍霍地且買一柄小剪子來要剪脚上骨出上聲兒  
肱肱音支肱肱音支兒也大琮遲疑不能下筆嬌笑云元來這  
厮兒也不識字聞者哂之又京師有營婦其夫出戍  
嘗以數十錢托一教學秀才寫書寄夫云窟窟音兒娘  
傳語窟窟音兒爺窟窟音兒自爺去後直是忙忙每日恨  
入特特地笑勃騰騰地跳天色汪汪音囊囊音不要喫温吞  
聲聲音入蟻託底物事秀才沉思久之却以錢還云你且別  
處倩人寫去軒渠錄

黃華雙手能寫二牘或楷或草各自有意志奇

舊見卷五

圭

姚氏女月華與楊達相愛各以尺牘往來瑯嬛記

張芸叟臨江而居其妻遺一素綾鯉魚首尾宛然腹

藏短牘但未畫鱗甲耳芸叟試爲點染便躍入江中

不知所之子真畫譜

宋遷以霞光牋裁作小番長尺廣寸實素魚錦囊中

遺試鶯謂之新尺一採蘭雜志

田田錢錢辛棄疾二妾也皆善筆札常代棄疾答尺

牘書史會要

易安居士有投內翰蔡公崇禮啟清照啟素習義方  
竊明詩禮近因疾病欲至膏肓牛蟻不分灰釘已具

營藥雖存弱弟應門惟有老兵既爾登皇因成造次  
信彼如簧之說或茲似錦之言弟既可欺持官文書  
來輒信身幾欲死非玉鏡架亦安知僂僂難言優柔  
莫決呻吟未定強以同歸視聽才分寔難共處忍以  
桑榆之晚節記茲盟誓之下才身既衰矣之可憐惟  
求脫去彼素抱璧之將往決欲殺之遂肆侵凌日加  
歐擊可念劉伶之助難勝石勒之拳局地扣天敢效  
談娘之善訴升堂入室素非李杰之甘心外援難求  
自陳何害豈期末事迺得上聞取白宸衷付之延尉  
被桎梏而置對同凶醜以陳詞豈惟賈生羞絳灌爲

舊見卷五

西

僞何啻老子與韓非同傳但祈脫死莫望償金友因  
橫者十旬益非天降居困固者九日豈是人爲抵崔  
捐金利當安往將頭碎壁失固可知寔自終愚分仰  
獄市此蓋伏遇內翰示旨指紳望族冠蓋清流日下  
無雙人間第一奉天克復本緣陸贄之詞淮蔡底平  
寔以會昌之詔哀憐無告雖未解驂感戴鴻恩如正  
出已故茲白首得免丹青清照敢不省過知慙捫心  
識媿責全責智已難逃萬世之議敗德敗名何以見  
中朝之士雖南山之竹豈能窮多口之談惟智者之  
言可以止無根之謗高駟天鵝木與升沉火鼠冰蠶

難同嗜好達人共惜童子皆知願賜品題與加前洗

誓當布衣蔬食温故知新再見江山依舊一瓶一鉢

重歸畎畝更須三沐三薰忝在葭莩敢茲塵瀆按易

安再適張汝舟竟至對簿啟在臨安作也 雲麓漫鈔

長安婦女有好事者曾於侯家觀綵箋曰一輪初滿

萬戶皆清若乃狎處衾帷不惟辜負蟾光竊恐嫦娥

生妬謂於十五十六二宵聯女伴同志者一茗一爐

相從下夜名曰伴嫦娥凡有冰心竚垂玉允朱門龍

氏拜啟 黎床齋餘

孫文恪娶於楊諸子登進士榜者四人皆楊夫人教

奮史卷四十五

五

之夫人精帖括斷決不爽 靜志居詩話

會稽女子商婉人能為制舉文字嘗評沈礪芳文一

卷沈贈詩云細筆猩紅絕妙辭掃眉應下拜名師從

來玉秤稱才子樓上昭容字婉兒 梅花草堂筆談

胡植妻張氏通制舉業慎作文輒就之評隲 居易錄

吳芳華嘉興女制藝極工近隆萬人 別裁集

線娘夏邑士族女也工於帖括 諧錄

奮史卷四十五

奮史卷四十六

東吳王初桐于陽寇述

北平劉翰周東屏校刊

文墨門四

書法

後漢竇皇后六歲能書 北堂書鈔

書法蔡邕受於神人而傳崔瑗及女文姬文姬傳鍾

繇術夫人 粧樓記

蔡邕女工書 墨池編 語林文姬真草俱精

衛夫人名鑠字茂漪廷尉展之女弟恒之從女汝南

奮史卷四十六

一

太守李矩之妻也王右軍師之 書斷

衛夫人書如碎玉壺之水爛瑤臺之月宛然芳樹穆

若清風 金壺記 書品衛夫人中之上續書品衛夫

人上品下

衛夫人書如插花舞女低昂芙蓉又若美女登臺仙

娥弄影又若紅蓮映水碧沼浮霞 古今書評

衛夫人曰學書者執筆為先真書者一寸二分行草

書去筆三寸一分點畫波撇屈曲皆須盡一身之力

送之 筆陣圖

王子敬年五歲衛夫人書大雅吟賜之 西漢叢語

衛恒衛夫人從姊書如插花美女舞笑鏡臺 墨叢

恒夫人書如快馬入陣屈伸隨人 古今書評

郝氏羲之妻也甚工書 在窮記

王獻之妻謝道韞亦工書甚為舅所重 晉中典書

謝道韞書雍容和雅芬馥可玩 後書品

中品下謝道韞 續書品

李夫人書猶帶古風 書品

王洽妻荀氏郝惜妻傅氏王珉妻汪氏孔琳之妻謝氏俱善書 墨池編

天台智者有中藤紙一墮六朝沈后書 南楚紀談

隋煬帝后沈氏有書一紙署娶華字 述書賦注

舊史卷六

二

唐高祖實后善書與高祖書相雜人不能辨 女世說

劉秦妹善臨蘭亭及西安帖足奪真蹟 粧樓記

龍興寺則天皇后並有則天皇后御書額 吳地記

唐安公美政頌石壁寺鐵彌勒像頌皆房璘妻高氏書其筆畫迥麗不類婦人所書 集古錄

白樂天文女金鑲十歲忽書北山移文示家人樂天方買終南紫石微開文士傳遂輟以勒之 豐寧傳

女仙吳彩鸞書龍鱗楷韻天寶八年製後有柳誠懸題云彩鸞世傳謫仙也一夕書廣韻一部印帶於市稔聞此罕見其書數載勸求方獲斯本視其神全

氣古筆力遒勁出於自然非古今學人可及也 王正

吳彩鸞書切韻一本字畫尤古 雲煙過眼錄

迎祥寺有彩鸞書佛本行經六十卷 珍席放談

宇文廷臣家有吳彩鸞玉篇鈔書一先為二十三先二十四仙不可曉 研北雜志

樓鑰跋吳彩鸞玉篇鈔云始予讀文蕭傳言吳彩鸞書唐韻事疑其不然後於汪季路家見之雖不敢必

其一日可辨然亦奇矣茲見玉篇鈔則又過之尤可

寶也又今玉篇惟越本最善末題吳氏三十一娘寫

楷法殊精豈亦彩鸞之苗裔耶 攻媿集

舊史卷六

三

彩鸞不知何許人楷書唐韻近類神仙吳彩鸞慕吳

彩鸞故名彩鸞 書史會要

唐韻即女仙吳彩鸞所書南村所云似屬二人 居易錄

彩鸞於福聖院寫法苑珠林百二十軸 皇華紀聞

曹文姬本長安娼女資質艷麗尤工翰墨為關中第一時人號為書仙長安豪士輸金求為偶者無算女

曰欲偶吾者必先投詩吾自擇有任生投詩曰玉皇

殿上掌書仙一染塵心謫九天莫怪濃香薰骨膩霞

衣曾惹御爐煙女得詩大喜曰此真吾夫也遂以為

偶五歲後忽曰吾本上天書仙以情謫居人寰二紀

吾欲歸子可偕行俄聞仙樂飄空朱衣吏持一玉版曰李長吉新撰白玉樓記就天帝召汝寫碑文與生拜命舉步騰空而去麗情集

徐州伎馬盼甚慧麗能學蘇軾書得其彷彿軾嘗書黃鶴樓未竟盼竊效軾書山川開合四字軾見而大笑略爲潤色不復易之今碑中四字盼筆也女世說  
憲聖慈烈皇后博習書史妙於翰墨帝常書六經賜國子監刊石稍倦卽命后續書人莫能辯書史會要  
耕織圖流傳人間遂段下有憲聖慈烈皇后題字皇后姓吳配高宗書絕相似太平清話

藝史卷四十六

四

憲聖慈烈吳太后居宮中時嘗臨蘭亭蘭亭考  
吳皇后所臨蘭亭帖佚在人間韓世忠得之表獻上驗聖文知是宮中臨本命刊於石中興小錄  
楊太后通經史能小玉書西湖見聞錄  
宋故事禁中御批皆內夫人代書霏雪錄  
每日賜太子玉食批司膳內人所書也隨隱漫錄  
劉武億赴召記歲月於柯山仰高亭上末云侍兒意真代書清波雜誌

朱淑真手書瑤璣圖卷字法妍嫵紹定三年春二月望後三日錢塘幽棲居上朱淑真書首瑤璣變幻四

小篆後有小朱印池北偶談  
官伎王英英善筆札學顏魯公體蔡襄教以筆法晚年作大字甚佳隱居詩話

翠鎖亭有魏王妃題字尙新啼髮錄  
余似妻趙夫人筆墨灑落類薛稷常書似所作於英州金山寺壁大徑四寸真奇蹟也紫桃軒雜綴  
鉅野縣有稷芳亭邑人秋成報祭所也一日鄉耆謀立石延士人王維翰書稷芳亭三字未至有伎謝天香以裙裾當筆書稷芳二字而維翰至書亭字以完之如出一手王謝遂爲夫婦曹州志

藝史卷四十六

五

歌人盼盼姓馬氏善書死葬鳳凰原虞湖遺老集  
徐僊名清字靜之蓬萊女官也下西里王氏詩作謝體書效黃魯直妍妙可喜後山集  
元仁宗嘗命管夫人書千字文勅送秘書監裝池收藏曰今後世知我朝有善書婦人堯山堂外紀  
管夫人手寫瑤璣圖詩五色相間筆法工絕居易錄  
陳晦叔子婦桐廬方氏善臨蘭亭蘭亭考  
翻翻字法道媚又能左右手正反雙下曲中志  
洪武壬子選蘇杭民間婦女通曉書數者入宮給事得四十四人比至試之可任者纔十四人乃留之賜

全贍其家餘悉遺歸 報宮舊事

慈壽寺寶藏閣係慈聖皇太后御筆題 燕都游覽志

慈壽寺寧安閣扁慈聖手書 帝京景物畧

香山來青軒扁慈聖皇太后御書 菊隱紀聞

肝江驛舍中有婦人書一憶字筆勢姿媚 招山小集

張天駿有所養婢善書觀者咄咄稱賞 考槃餘事

馬正居名聞陶陳魯南夫人書法蘇長公 彤管新編

梁小玉八歲摹大令帖極工 淑秀集

楊盤石女弟博學能文書法自成一派 玉臺集

龐蕙纓工臨池筆法道勁能書扁額 煙香閣集

卷四十六

六

河東君作書得虞褚法 無聲詩

邢慈靜書體頗類其兄子愿 無聲詩

葉小鸞綠窓靜處日臨洛神賦藏真帖一遍 葉小鸞傳

葉統統書法道勁有晉風 午夢堂集

周炤性敏給知書歸漢陽李雲田李愛客遊營攜炤

殘箋數幅以示友人人無不色飛者 周寶鑑傳

膠州宋方伯子婦姜淑齋自號廣平內史善臨十七

帖筆力矯勁又高密單某妾學右軍楷書似黃庭迺

教二經二人皆好戲女子也 池北偶談

韓聖秋姬人好臨摹晉唐人法帖獨廢鍾書韓誌所

以對曰季漢正統關侯忠義而斥以賊帥狂詩甚矣  
書雖工抑何足道 居易錄

女史瓊如學策大書李白登華山落雁峰云云凡三

十三字筆勢飛動末題瓊如二字小印同 居易錄

黃石齋配蔡氏工書書法與石齋亂真 居易錄

上中晉羊衛母蔡夫人正書上下晉庾亮妻荀夫人

篆隸北齊魏夫人正行 九品書

高宗吳皇后親翰墨尤愛蘭亭作小楷 蘭亭博議

宛叔行楷特工能於瘦硬中渾姿媚 靜志居詩話

商婉人工楷法常訪吳彩鸞唐韻作二十三先二十

卷四十六

七

四仙沈桐芳題云簪花舊格白嫻然顚顚明珠貫作

編始識彩鸞真韻本廿三廿四是先仙 梅花草堂筆

麗人薛素素書法黃庭小楷最工 斃雪齋書品

沙嫩字未央工楷書 姚旅露書

黃媛介楷書仿黃庭經 無聲詩史

則天后行書駸駸稍能有丈夫勝氣 宣和畫譜

薛濤雖失身卑下而有林下風致作字無女子氣筆

力峻激其行書妙處頗得王羲之法 古今書法苑

皇甫規妻善草書時為規答書記人嘆其工 藝鑑

陳晦叔子婦桐廬方氏善作草書 畫繼



安福郡主寧靖王之女工草書 桂華集

皇甫規妻馬夫人工隸書 墨戲

衛夫人隸書尤善規矩鍾公 書斷

蕭衍邨后善隸書 墨池編

魏夫人能隸書 南嶽魏夫人傳

蔡文姬言割程隸字八分取二分割李篆字二分取八分于是爲八分書 書苑

萬夫人工八分書 樊桐山房集

臨川公主唐太宗女也下嫁周道務工篆籀 墨池編  
趙國夫人王氏篆隸有古法 貞跋日錄

卷四十六

八

王綸女爲鬼所憑遂善三十六體天篆後數日如故皆不能記矣 遺史紀聞

章氏煎友直之女工篆書傳其家學 書史會要

史癡翁妻白雲道人何玉仙工篆書 靜志居詩話

晉陽公主太宗次女也字明達文德皇后所生善臨

帝飛白書人莫能辨 墨池編

薦福寺唐天后飛白書額 歷代名畫記

慈聖光獻皇后曹氏善飛白書 飛白叙錄

慈聖曹太后工飛白蓋有觀昭陵落筆也先人舊藏

一美字徑二尺許筆勢飛動 老學菴筆記

龔書魯秋胡妻浣蠶所作也 五十六種書法

雕蟲篆者魯秋胡妻所作亦云戰筆書其體道律垂

畫纖長旋繞屈曲有若蟲形 墨戲

唐時聖節內人寫金花紅勝子進鳳凰衫 野客叢書

慈仁寺市鬻一敝刺大書客氏拜三字 池北偶談

王母使九天元女以待授黃帝遂克蚩尤 西王母傳

元女授黃帝兵信神符制伏蚩尤 龍魚河圖

大禹導江神女授禹玉篆靈符 漢行紀程

王晨道君授夫人雙珠月明神虎之符 南岳夫人傳

靈昭李夫人帶神虎符 登真隱訣

卷四十六

九

鐫刻

細問女子韓約素者梁千秋之侍姬也千秋以能印

稱韓初學篆遂能鐫頗勝梁氏故世之得約素章者

往往重於千秋云 印典

韓約素善鐫圖章性喜佳凍人得細問章皆珍秘之

粉影脂香猶繚繞小篆間 周亮工印人傳

劉公敵女姪名令佑篆刻臻妙欸曰瀛川女士 居易錄

左思嬌女詩握筆利彤管篆刻未期益 玉臺新詠

卷四十六